



mjesečni Bilten

omladinska mreža bosne i hercegovine

oktobar
listopad
2019.

245

Dragi prijatelji/ce,

Predstavljamo vam **oktobarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u oktobru 2019.	2
Planovi za novembar 2019.	8
Aktivnosti članova mreže.....	9
Saopštenja/informacije/donatori/pozivi	24

Uživajte u čitanju!

AKTIVNOSTI ORC/HCA U OKTOBRU 2019.



Anna Lindh Fondacija Bosanskohercegovačka mreža

X SASTANAK ALF BiH MREŽE



U Tuzli je u periodu od 11. Do 13. Oktobra održan deseti sastanak ALF Mreže BiH. Sastanku je prisustvovalo dvadeset učesnika iz šesnaest organizacija – članica mreže.

Na sastanku je prije svega sumirano šta je sve urađeno u proteklih deset godina postojanja ALF BiH, ali isto tako učesnici su imali priliku da podijele iskustva, kao i informacije o narednom periodu koji se veže za rad ALF mreže u BiH.

Učesnici su imali priliku da razgovaraju o aktuelnim problemima BiH društva, o ulozi ALF-a u međukulturalnoj suradnji u Euromediteranskoj regiji, mehanizmima djelovanja nevladinog sektora prema vladajućim strukturama, fondovima, prekograničnoj suradnji. Isto tako, razgovaralo se i o predstojećem EuroMed Forumu, koji će biti održan početkom aprila 2020. Godine u Šibeniku – Hrvatska.

Učešće na 8. Tuzla Film Festivalu

Predstavnici članica ALF Mreže u BiH su imali priliku i da učestvuju na otvaranju osmog po redu Tuzla Film festivalu u organizaciji naše članice – Magic Factory Tuzla. Otvaranje osmog po redu TFF-a održano je 12. Oktobra u Bosanskom Kulturnom Centru Tuzla. Tom prilikom smo na festivalu promovisali i BH Mrežu Anna Lindh Fondacije, aktivnosti i planove, ali isto tako i imali priliku da neformalno razgovaramo sa glumcima, režiserima i producentima iz regije, ali i predstavnicima lokalnih, kantonalnih i federalnih vlasti, te predstavnicima Ministarstva za kulturu F BiH i predstavnicima Akademske zajednice.



Godišnji sastanak Nacionalnih koordinatora ALF Mreža

U Solunu (Grčka) je u periodu od 23. do 25. oktobra održan godišnji sastanak koordinatora mreža ALF.

Na sastanku je prisustvovalo 29 od 43 nacionalna koordinatora ALF Mreža.

Glavni ciljevi sastanka bili su: Diskusija koordinatora mreža ALF o do sada implementiranim aktivnostima, izazovima i načinima na koji se ti izazovi mogu prevazići; Razvoj poboljšanje i izgradnja novih vrsta saradnje i praktičnih metoda među ALF strukturama i mrežama; Razgovori i prijedlozi aktivnosti i planiranja za narednu godinu; Razgovori i pripreme za EuroMed Forum 2020, koji se održava u aprilu sljedeće godine u Šibeniku, Hrvatska. ALF BiH na ovom sastanku predstavljao je Koordinator mreže Miralem Tursinović



PEACECON



U Vašingtonu, SAD je u periodu od 2. do 4. oktobra održana mirovna konferencija pod nazivom "PeaceCon 2019 - SEIZING THE MOMENT FOR PEACE IN A DISRUPTED WORLD" u organizaciji Alijanse za izgradnju mira i Instituta za mira SAD-a.

Omladinski resursni centar Tuzla je na poziv organizatora i partnerske inicijative "BHRI" uzeo učešće na panelu, koji se tiče korištenja tehnologija i društvenih mreža u izgradnji mira. Tokom jednoiposatnog panela posjetioci konferencije su dobili priliku da se informišu o ONLINE PROJEKTU Građani protiv terorizma, te da razumiju važnost uključivanja

mladih u procese izgradnje mira.

Na ovaj način, nakon mnogih država regiona i Evropske Unije - naše popularne "mačke" su prikazane kao jedan od primjera dobre prakse i u SAD-u. ORC Tuzla je predstavljao, projekt menadžer - Slobodan Blagovčanin.

OMLADINSKA AKCIJA U BRČKOM „Naš grad - Naša kuća“



U Brčkom je 17. oktobra u centru grada održana omladinska ulična akcija pod nazivom „**Naš grad – Naša kuća**“ u organizaciji lokalnog CAT tima Brčko.

Mladi iz Brčkog su tokom realizacije aktivnosti u Gradu, mapirajući grafite koji sadrže govor mržnje, pronašli 12 grafita uvrijedljivih poruka poput: „Brčko nikad neće biti Brčko“, „Pederi žele paradu“, „Cigani klošari“, „Četnici Brčko“, „NATO mafija – Kosovo je Srbija“.

Dokumentovani grafiti su iscrtani u radijusu od 200 metra oko Gimnazije „Vaso Pelagić“ Brčko u neposrednoj blizi Srednje ekonomske škole i II

Osnovne škole Brčko Distrikt.

Lokacije su naročito interesantne uzimajući u obzir da svakodnevnom na ovom području cirkuliše veliki broj mladih.

Lokalni CAT tim Brčko je na uličnoj akciji razgovarao a građanima upravo o tim graffittima, te tražeći alternativnu poruku koja prije svega promovise mir, a ne mržnju.

Panel diskusija u Foči - OD „DOJAVE“ DO DELIKVENCije

23. oktobra u Foči, u Velikom amfiteatru Srednjoškolskog centra grupa mladih ljudi okupljena oko projekta *Citizens Against Terrorism (CAT)* uspješno je realizovala panel diskusiju pod nazivom „**OD „DOJAVE“ DO DELINKVENCije**“.

Naime, problem kriminalnog djelovanja maloljetnika i uopšte mladih osoba je sve veći problem u našem gradu. Šta potiče ovakvo ponašanje i kako ga spriječiti? Kako „dojave“ utiču na ponašanje i psihičko zdravlje pojedinca, ali i omladine u globalu? Da li je to zavisnost ili trend? Ili oboje? Bila su samo neka od pitanja o kojima su mladi zajedno za panelistima imali priliku da diskutuju.



Panelisti su bili:

- Prof. Dr. Ristić iz oblasti psihologije i neurofiziologije
- Jelena Elez direktorica OŠ „Sv. Sava“
- Svjetlana Govedarica, inspektorica MUP RS

Ulična akcija Tuzla – PITANJE MIGRANATA U TUZLI



Da mladi žele promjene i bolje svih nas, pravi primjer jeste kampanja usmjerena ka rješavanju pitanja migranata u Tuzli.

Mi živimo suživot i razumijevanje, zato tražimo adekvatne uslove za migrante i izbjeglice u toku njihovog tranzicijskog boravka u Tuzli. [#solidarnaTuzla](#)


Kampanja se vrši u sklopu projekta [CitizensAgainstTerrorism](#), koji realizuje Omladinski resursni centar Tuzla.

Premijera filma „Ko je odgovoran za mir?“ – TUZLA FILM FESTIVAL

U subotu, 19 oktobra u Narodnom pozorištu Tuzla u sklopu 8. Tuzla Film Festivala premijerno je prikazan film u produkciji Omladinskog resursnog centra Tuzla pod nazivom „Ko je odgovoran za mir?“

Producent pomenutog filma bio je Slobodan Blagovčanin, dok je za scenario bila zadužena Mirela Biković, a Eldin Subašić bio je glavni snimatelj i montažer. Glavnu ulogu u filmu nosi članica Omladinske grupe ORC-a Tuzla Medina Delić.

Dokumentarni igrani film „Ko je odgovoran za mir?“ inspirisan je stvarnim događajima u Bosni i Hercegovini. Film prikazuje težinu situacije, koja je danas, nažalost realnost mnogih mladih iz Bosne i Hercegovine koji su zbog situacije u kojoj se nalaze prisiljeni napustiti svoje domove u potrazi za boljom budućnošću u nekig drugim, dalekim zemljama. Državama u kojima se neće susretati sa pojmovima kao što su nacionalizam, nezaposlenost, nepotizam, korupcija i mržnja. Potraga za zajedničkom budućnošću, a bijeg od podijeljene prošlosti. Sutra već ovo može biti priča bilo koga od nas, a danas je priča mnogih.



Omladinska grupa ORC Tuzla

Akademija RUN - Berlin



Završen je i četvrti, a ujedno i posljednji modul "RAN Young Empowering Academy" u Berlinu na kojem je ORC Tuzla sa predstavnikom Slobodanom Blagovčaninom uzeo učešće sa svrhom edukacije i prevencije nasilnog ekstremizma.

Sa još dvadeset mladih iz čitave Evrope u 2019. smo usavršavali inicijative i krenuli u realizaciju projektnih ideja. Program je podržan od [Radicalisation Awareness Network - RAN](#).

AIIESEC Nacionalna konferencija – NatCo 37th

Nacionalna konferencija NatCo 37th je održana od 18. do 20. oktobra u Jajcu. Cilj konferencije je predstavljanje programa globalnih omladinskih razmjena i praksi za mlade, biznis vještine, kao i umrežavanje mladih, privatnih kompanija i neprofitnih organizacija sa AIIESEC-om. Konferenciji je prisustvovalo 50 mladih iz Bosne i Hercegovine i predstavnici lokalnih komiteta AIIESEC-a iz Sarajeva, Zenice, Mostara, Banja Luke i Tuzle. Uloga globalne organizacije AIIESEC u BiH ponajviše se ogleda u ispunjenju ljudskih resursa i potencijala, naročito kod mladih ljudi. AIIESEC pruža mogućnost da studenti, koji su u toku studija ili koji su završili studiranje, rade volonterske ili stručne prakse u nekoj od stranih država svijeta u skladu sa njihovom profesijom, kao i dolazak stranih studenata u BiH preko ove organizacije.



Organizator konferencije je AIIESEC Bosnia and Herzegovina. Predstavnik ORC Tuzla na Nacionalnoj konferenciji je bio Emir Karamujić.

Western Balkans Project Lab – Tirana, Albanija

Trening kurs pod nazivom WestenBalkans Project Lab je održan u Tirani od 21. do 23. oktobra.

Trening kurs je okupio omladinske radnike, projektne menadžere, koordinate projekata u okviru Erasmus+ i EuropeanSolidarityCorps programa, kao i sve zainteresovane za rad na prethodno navedenim projektima.

Cilj trening kursa je bio da predstavi program Erasmus+ na polju mladih i Europski korpus solidarnost učesnicima, kao i da otvori vrata organizacijama za europsku i transnacionalnu saradnju. Uključivanje u program omogućava organizacijama da izgrade kapacitete, prošire svoje mreže, razviju kompetencije svog osoblja, doprinose razvoju lokalnog i međunarodnog rada s mladima, i što je najvažnije, nude iskustva koja mijenjaju život i mogućnost učenja mladih.

Učesnici trening kursa dolaze iz zemalja Zapadnog Balkana, koje se smatraju partnerskim zemljama u okviru Erasmus+ programa. To su Albanija, Bosna i Hercegovina, Crna Gora i Kosovo.

Organizator događaja je SALTO resursni centar za Jugoistočnu Europu, uz podršku Europske Komisije kroz program Erasmus+.

Predstavnik Omladinskog resursnog centra Tuzla je bio Emir Karamujić.



EvenSaltLooks Like Sugar – Novi Sad, Srbija



U Novom Sadu je od 23. do 24. oktobra održan APV – sastanak planiranja međunarodne omladinske razmjene.

APV sastanak projektnih partnera je održan u okviru projekta EvenSaltLooks Like Sugar. Sastanak je imao za cilj upoznavanje projektnih partnera, kreiranja plana i programa, finaliziranje agende i kreiranje pravila za omladinsku razmjenu. EvenSaltLooks Like Sugar je Erasmus+ projekat omladinske razmjene između

zemalja Bosne i Hercegovine, Srbije, Slovenije, Palestine, Libana i Tunisa. Tema međunarodne omladinske razmjene je medijska pismenost. Omladinska razmjena će biti održana u martu 2020. godine u Sremskim Karlovcima, Srbija. Mladi iz Bosne i Hercegovine koji imaju od 18 do 30 godina se mogu prijaviti za učešće u razmjeni. Omladinski resursni centar Tuzla je partner na projektu ESLLS, zajedno sa konzorcijem partnera iz prethodno navedenih zemalja. Projektni lider je organizacija iz Srbije, Balkan Idea Novi Sad – BINS. Projekat kofinansira Europska Komisija kroz program Erasmus+ Mladi u akciji KA1. Predstavnik Omladinskog resursnog centra Tuzla i team leader za BiH je bio Emir Karamujić.

RUN plenarna sesija – Brisel, Belgija

U glavnom gradu Belgije, Briselu se 30. Oktobra održala RUN plenarna sesija, gdje je ispred Omladinskog resursnog centra Tuzla prisustvovao Slobodan Blagovčanin, projekt menadžer, koji je također bio jedan od učesnika ovogodišnje RUN akademije, koja je upravo ovaj mjesec imala svoje zadnje okupljanje u Berlinu.



Sesija je okupila stotinu praktičara na temu prevencije radikalizma i nasilnog ekstremizma iz Evropske Unije, te Slobodana Blagovčanina kao jedinog predstavnika iz Bosna i Hercegovine. Slobodan je imao priliku da izlaže i razgovara o temama kao što su: percepcija RUN akademija iz perspektive mladih osoba, perspektivi mladih u Bosni i hercegovini, te o dešavanjima koja su se događala u BiH tokom devedesetih godina.

REDOVNE AKTIVNOSTI ORC i hCa TUZLA

Tokom oktobra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektini tim nastavio je sa apliciranjima za projekte.

PLANOVI HCA/ORC-A ZA NOVEMBAR 2019.

- Nastavak implementacije nove kampanje - „CAT 19“. U okviru ovog projekta u naredom periodu naše aktivnosti su: nastavak uličnih akcija CAT timova iz Brčkog, Foče i Tuzle, nastavak sa implementacijom globalne on-line i off-line kampanje po Bosni i Hercegovini, priprema nagradnih igara, kao i odabiranje najboljih radova u formi: kratke priče, mima i promotivnih materijala kampanje.
- Nastavak apliciranja za projekte i učešće u partnerskim projektima u regiji
- Nastavak aktivnosti u okviru partnerskog projekta koji vodi PRONI Brčko – “Mladi u borbi protiv nasilnog ekstremizma”, a u okviru programa MATRA Nizozemske ambasade u Sarajevu.

AKTIVNOSTI ČLANICA OMLADINSKE MREŽE BiH

Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, +387 61 179 209, +387 63 366 811

E-mail: m.sekib@bih.net.ba

WEB: www.oed-dijamant.net, www.dijamantmoda.com

 Omladinski klub »DIJAMANT« JAJCE

Zajednica bez poroka

U okviru projekta "Zajednica bez poroka", volonteri Omladinskog kluba "Dijamant" su u centru grada Jajca vršili su podjelu informativno - promotivnih i edukativnih letaka "Mi hoćemo zajednicu bez poroka".

Mladi su poručili da je jako bitno uticati na svijest mlađih osoba, i tim putem razviti zdraviji način života i motivirati ih da svoje slobodno vrijeme što kvalitetnije iskoriste. Ako je nedovoljno osmišljen i vođen, prostor slobodnog vremena može postati izvorisšem neprihvatljivih ponašanja i ovisnosti.

Nedostaje inicijativa od institucija, kako bi se smanjilo pogrešno navikavanje na poroke, a samim time i ovisnosti. Ova naša aktivnost nije prva. Shodno svojim mogućnostima, zajedno sa Ministarstvom obrazovanja i nauke činimo pozitivne narrative, jer postoji stalna potreba za ukazivanjem prisutnosti poroka u zajednici, te podizanje svijesti mlađih i građana. Cilj planiranih projektnih aktivnosti jeste poboljšati trenutno stanje u vezi s lošom situacijom u preventivnom radu od zloupotreba opojnih droga, kako bi mladi na zanimljiv i interaktivan način usvojili nova znanja i vještine koje će im biti korisne u sferi privatnog i profesionalnog života.



Planirane projektne aktivnosti će doprinijeti i podstaći mlade, kao i institucije da prepoznaju potrebe i pokrenu različite programe podrške za preventivnim radom od ovisnosti. Bitno je potaknuti učesnike da grade drugačiji odnos, kako prema sebi, tako i prema okruženju u kojem žive.

Kroz edukativno-interaktivne radionice do sada smo obuhvatili oko 400 mlađih, a interesovanje je bilo dosta pozitivno i veliko.

Ovaj projekt i aktivnost se realizirao uz pomoć Federalnog ministarstva obrazovanja i nauke.

Institut za
razvoj mladih KULT



Ul. 4. Viteške brigade
34 – 36 BA, 71210 Ilidža, Sarajevo
Tel: +387 33 778 778.
Fax: +387 33 778 79
E-mail: kult@mladi.org, web:
www.mladi.org

Objavljen poziv za novu generaciju obuke UMiD!



Institut za razvoj mladih KULT objavio je novi poziv za polaznike/ce 15. generacije obuke „Uči, misli i djeluj!“.

Na javni poziv mogu se prijaviti sve mlade osobe od 18 do 25 godina iz cijele BiH, a koje imaju volju u želju aktivno sudjelovati u rješavanju problema mladih i koji žele lični razvoj.

UMiD je jednogodišnja obuka koja je inkubator mladih lidera/ica aktivnih u demokratskom društvu. UMiD je obuka koja ti omogućava da postaneš aktivan lider/ica u svojoj lokalnoj zajednici i učestvuješ u rješavanju problema mladih, ali i da se pripremiš za vlastitu karijeru, stekneš nove vještine, upoznaš nove mlade ljude slične sebi, družiš i usavršavaš se.

UMiD će se odvijati u Obrazovno-raznodnom centru za mlade SPAJALICA u Ilidži, a tokom

obuke ćemo posjetiti i nekoliko drugih zanimljivih lokacija.

Ako ti ovaj poziv zvuči primamljivo, ali nisi siguran/na ko će to sve platiti, molimo te da se ne brineš za to! Institut za razvoj mladih KULT snosi troškove prijevoza, smještaja, hrane i materijala koje koristiš tokom obuke UMiD.

Ukoliko si zainteresiran/a za obuku UMiD, ispunjavaš navedene kriterije, želio/ljela bi se pokrenuti i biti dio Generacije 15, potrebno je da snimiš video koji će odgovoriti na pitanje **„Šta bih ja volio/ljela imati danas da ne bih otišao/la iz BiH sutra?“**

Video ne treba biti duži od 3 minute. Ukoliko smatraš da ćeš se bolje izraziti tekstom ili nekom drugom formom, budi slobodan/na to učiniti. Tekst ne treba biti duži od jednog lista A4 formata u fontu Verdana 10.

Za obuku se prijavi putem elektronskog prijavnog obrasca koji se nalazi na linku: <http://mladi.org/myURL/umid15> u okviru kojeg ćeš nam dostaviti i svoj rad (video, tekst...) o zadanoj temi. U obrascu je potrebno da navedeš i dvije preporuke osoba ili organizacija (ime, prezime, poziciju i kontakt) koje bismo mogli kontaktirati.

Dodatne informacije možeš dobiti i putem telefona **033 778 763** ili na email zorana.tovilovic@kultbih.org

Prijaviti se možeš **do 18. novembra 2019. godine do 23.59 sati.**

Institut za razvoj mladih KULT i RYCO potpisali memorandum o razumijevanju

Institut za razvoj mladih KULT i Regionalna kancelarija za saradnju mladih - RYCO, 22. oktobra 2019. godine, potpisali su memorandum o razumijevanju u Sarajevu, kojim su ozvaničili saradnju za zajedničko djelovanje i rad na poboljšanju položaja mladih u regionu Zapadnog Balkana, posebno u području mobilnosti mladih, pomirenja i međunarodne saradnje mladih.

Institut već duže od 17 godina radi na kreiranju politika za pitanja mladih, poboljšanju položaja mladih u BiH, a unazad nekoliko godina u partnerskom djelovanju radi i u regiji. Upravo zbog želje da svoja dosadašnja znanja i iskustva prenesu u regiju Zapadnog Balkana potpisan je sporazum sa RYCOom.

Generalni sekretar RYCO-a, gosp. Đuro Blanuša je rekao da sama ideja regionalne saradnje, dijaloga i rada s mladima postoji i prije osnivanja Regionalne kancelarije za saradnju mladih, te da iz tog razloga prepoznaju značaj svih aktera koji aktivno i dugo rade na tome te da mogu biti njihovi partneri za bolji region.

Nakon potpisivanja Memoranduma Institut za razvoj mladih KULT i RYCO razmatraju zajedničke inicijative koje će provoditi u budućnosti, a od kojih će najveću korist imati upravo mladi iz Zapadnog Balkana.



Objavljen poziv za PRO-Budućnost male grantove – Prijavite se!



Bespovratna sredstva za inicijative koje doprinose procesu pomirenja i izgradnje povjerenja u BiH, zagovaraju za mir i kolektivnu viziju za stabilnu budućnost i povezuju lokalne zajednice, osigurana su, u kontinuitetu, kroz USAID-ov projekat PRO-Budućnost, putem javnih poziva za male grantove.

Na javni poziv mogu se prijaviti: udruženja mladih, neformalne grupe mladih, udruženja žrtava rata, Crkve i vjerske zajednice kao i nevladine organizacije usmjerene promovisanju međureligijskog dijaloga, organizacije civilnog društva i općine/opštine/gradovi u kojima se provodi projekat PRO-Budućnost.

Od aplikacija se očekuje da svoje ideje i prijedloge kreiraju u skladu sa **Platformom za mir**, koja je rezultat intenzivnog i dugotrajnog rada projekta PRO-Budućnost u lokalnim zajednicama širom Bosne i Hercegovine.

Informacije o svim oblastima koje će se finansirati kroz PRO-Budućnost dostupne su na web stranicama www.probuducnost.ba i www.mladi.org

USAID-ov projekat PRO-Budućnost provodi Catholic Relief Services (CRS) u saradnji s Caritasom BiH, Institutom za razvoj mladih KULT, Forumom građana Tuzla (FGT) i Helsinškim parlamentom građana Banjaluka (hCA).



PRONI Centar za omladinski razvoj

Ul. Hadži Vasvije Zejčirović 5, 76100 Brčko distrikt BiH

Tel./Fax: +387 49 217 695

E-mail: info@pronib.ba

www.proni.ba

Mladi iz Mostara i Bijeljine u Parlamentarnoj skupštini BiH

Mladi iz Mostara i Bijeljine su imali priliku posjetiti Parlamentarnu skupštinu BiH, kao jednu od aktivnosti projekta "Iniciraj dijalog: Aktivni mladi za transparentne parlamente".

„Iniciraj dijalog: Aktivni mladi za transparentne parlamente“ ima za cilj unaprijediti participativnu demokratiju u Bosni i Hercegovini otvaranjem prostora za dijalog između javnih institucija i mladih u Bosni i Hercegovini. Projekat realizuje Perpetuum Mobile u 7 BH opština (Mostar, Trebinje, Istočno Sarajevo, Bijeljina, Tuzla, Travnik/Novi Travnik).

Nažalost, zbog trenutne krize u državnoj vlasti, mladi nisu imali priliku razgovarati sa parlamentarcima/kama. Umjesto toga mladi su zajedno razgovarali o problemima koji ih se tiču i o mogućim rješenjima istih, te će organizator, u vidu inicijative, iste uputiti ka skupštini.

Institut „Perpetuum mobile“ realizuje projekat „Iniciraj dijalog: Aktivni mladi za transparentne parlamente“ u sklopu projekta „Dijalog za budućnost“, koji implementiraju UNDP, UNICEF i UNESCO u partnerstvu sa Predsjedništvom Bosne i Hercegovine. Projekat „Dijalog za budućnost“ se finansira sredstvima Ureda Ujedinjenih nacija za podršku izgradnji mira / Fonda za izgradnju mira (PBF).

PRONI na ovom projektu je bio partner i želimo se zahvaliti svim školama, pojedinačno, na ukazanoj saradnji i pomoći pri realizaciji projektnih aktivnosti.

Predstavnice PRONI Centra u Briselu

Predstavnice PRONI Centra Adina Halilović i Mersiha Čomor učestvovala su na treningu "How to Advocate for Youth Work using the CoE Recommendation on Youth Work", koji je organizovan od strane ECYC - European Confederation of Youth Clubs, a kofinansiran od European Youth Foundation.

Inače, od maja tekuće godine PRONI Center for youth development je postao članica ECYC i trening je još jedna od mogućnosti za upoznavanje članica mreže i kreiranja novih partnerstava.

U cilju umrežavanja imali smo priliku predstaviti PRONI Centar, kao i naš rad u omladinskim klubovima te razgovarati o izazovima s kojima se omladinski radnici susreću.

Trening o zagovaranju i lobiranju će svakako biti od koristi predstavnicama PRONI Centra prilikom implementacije novih programa za mlade u klubovima i rada na prepoznavanju omladinskog rada kao profesije.

Obuka medijske pismenosti i prakse.

U periodu od 12. do 13. oktobra realizovana je Obuka medijske pismenosti i prakse u Omladinskom klubu Maoča.

Učesnici su razgovarali o medijima, na koji način mediji funkcionišu i kako biramo medije. Pored toga, učesnici su se upoznali sa načinima kako da koriste internet i društvene mreže za plasman medijskih proizvoda.

Već smo razgovarali o konkretnim pričama koje mladi planiraju objaviti na web portalu koji je naredni korak projekta.

Ovaj projekat se realizuje u okviru BHRI projekta (Bosnia and Herzegovina Resilience Initiative).

Edukativne radionice o programskim jezicima



U sklopu Evropske sedmice kodiranja organizovali smo edukativne radionice o programskim jezicima (HTML, JavaScript), koje su realizovane od IT stručnjaka sa fakulteta Sinergija iz Bijeljine.

Radionice su realizovane u saradnji sa JU Tehničkom školom Brčko, čiji je cilj promocija IT sektora. Sudeći po interakciji učesnika ove radionice su bile veoma zanimljive

„Train the trainers“

U organizaciji Regional Cooperation Council - RCC, 01.10.2019. godine održana je P/CVE konferencija po nazivom „Train the trainers“ na kojoj je učestvovao Adnan Pecković, kao predstavnik PRONI Center for youth development.

Tokom drugog panela konferencije, imali smo priliku predstaviti istraživanje „Savremeni mladi u bosanskohercegovačkom društvu: Izazovi i stavovi po pitanju radikalizma i ekstremizma“, koje je PRONI Centar sproveo u 2018. godini, te pokretanje omladinskih klubova u raznim dijelovima Bosne i Hercegovine kao inicijativu koja treba da doprinese borbi protiv radikalizma i ekstremizma kada su u pitanju mladi.

Putevi mira i prijateljstva

Implementirana je aktivnost mladih iz Bijeljine i Velike Kladuše „Putevi mira i prijateljstva“. Za cilj su imali da uz pomoć ovog projekta prenesu iskustvo mirovnog angažmana na mlade ljude, kao jednog od najvažnijih koraka da izađu iz svoje zone komfora i priušte sebi nova iskustva i prijateljstva na osnovu kojih će se osjećati sigurnije na svakom mjestu koje nije njihova lokalna zajednica i samim tim će shvatiti da mogu da se osjećaju sigurno i prijatno u svojoj državi.

S obzirom na to da se projekat realizuje u dvije lokalne zajednice, konsultovanjem između članova tima došli smo do zaključka da živimo u identičnom stanju koji se odnosi na religijski, vjerski i stereotipni stav stanovništva.

Naime, riječ je o dvije monoetničke zajednice koje većinski nemaju prijateljski stav, mišljenje i naklonjenost prema drugačijem vjerskom, religijskom i etničkom izjašnjavaњу. U skladu sa tim, najveći akcenat stavljamo na mlade ljude koji od kućnog vaspitanja nastavljaju neprijateljskim stavom da ne prihvataju „tuđe“ i „drugačije“ u zemlji u kojoj živimo.



U vezi sa tim, naši sugrađani mlađe populacije (počevši od tinejdžerskog doba) žive u već načetoj i naučenoj percepciji koja propagira mržnju. U Bijeljini je održana ova dvodnevna aktivnost 05.-06.oktobra, tokom prvog dana, učesnici su imali priliku da se upoznaju sa direktorima CIM-a

Mevludinom i Vahidinom, i saznaju kako je izgledao njihov trnovit put građenja mira, a i one lijepe stvari mirovnog aktivizma i angažmana. Zatim su održane vršnjačke radionice na temu team-buildinga, a onda i obilazak bijeljinskih vjerskih objekata, manastir Svetog Vasilija Ostroškog i Atik džamiju Sultan Sulejmanovu.

Sutradan, na platnu je iscrtan golub mira, poruka i moto CIM-a "Naš put je mir". Slična aktivnost se realizovala i u Velikoj Kladaši u Alternativnom domu kulture 12.-13. oktobra. Prvi dan su održane radionice na temu team-buildinga, koje su vodili vršnjački edukatori Davor Cvijanović i Jovana Tešić, zatim su učesnici imali priliku gledati predstavu "Imam jedan san...".

Pored toga, imali su priliku učestvovati i na radionicama koje su organizovala aktivisti udruženja za prevenciju ovisnosti "Narko-NE". Drugi dan je započeo iscrtavanjem identičnom slikom i motom kao i u Bijeljini, a potom su mladi pisali poruke mira i lijepili ih po oglasnim tablama u gradu.

„Access and barriers to participation in learning mobility projects – International youth work in Germany and the Western Balkan Six“

U periodu od 17. - 18. oktobra prisustvovali smo simpoziju "Access and barriers to participation in learning mobility projects – International youth work in Germany and the Western Balkan Six" koji se održao u Tirani, Albanija.

U suradnji s transfer e.V. i njemačkom mrežom "Research-Practice-Dialogue in International Youth Work", Regional Youth Cooperation Office - RYCO održao je simpozijum stručnjaka o pristupu i preprekama za sudjelovanje u projektima mobilnosti učenja.

Ispred PRONI Centra učestvovala je Adina Halilović, Menadžerica za mobilnost mladih u PRONI Centru za omladinski razvoj.

Jedan od ciljeva ovog simpozijuma je da se pokrene diskusija u vezi sa sprovođenjem omladinskih politika i strukturalnog okvira međunarodnog rada sa mladima u cilju razmjene najboljih praksi i uspešnih pristupa između europskih zemalja i ZB6.

Učesnici su imali priliku čuti rezultate i zaključke istraživanja u polju omladinskog rada i razmjena, a koji se tiču mladih zemalja ZB6 i Njemačke.

„RAN Young Empowering Academy“

Završen je i četvrti modul "RAN Young Empowering Academy" u Berlinu u kojoj je PRONI uzeo učešće sa inicijativom kreiranja dokumentarnog filma u svrhu edukacije i prevencije nasilnog ekstremizma.

Sa još dvadeset mladih iz čitave Evrope u 2019. smo usavršavali inicijative i krenuli u realizaciju projektnih ideja.

Program je podržan od Radicalisation Awareness

Network - RAN i do kraja godine pravimo premijeru dokumentarnog filma.



Aktivnosti PRONI Omladinskih klubova

POK Banja Luka

- Održana je premijera filma "Maglaj - Rat i Mir"
- Kreirali smo plan aktivnosti za novembar gdje će polaznici PAOR-a sprovoditi svoje aktivnosti u sklopu šestog modula praktičnog rada
- „Edukativne radionice engleskog“ redovno se održavaju srijedom u POK Banja Luka
- „Trening emocionalne pismenosti“ redovno se održava četvrtkom od 16h u POK Banja Luka



POK Bijeljina

- Održana je priprema za praktični dio obuke polaznicima/cama PAOR-a

POK Mostar

- Predstavili smo se učenicima/cama Srednje građevinske škole Jurja Dalmatinca Mostar
- Prisustvovali smo javnoj tribini pod nazivom "Ovisnost o kockanju"
- Prisustvovali smo Svečanoj skupštini Vijeća učenika srednjih škola Grada Mostara u Gradskoj vijećnici
- Završili smo sa trećim modulom "Obuke za menadžere društvenih mreža"

POK Sarajevo

- Aktivno se realizuje obuka „Menadžera za društvene mreže“
- Aktivno se realizuje obuka „Političko učešće mladih“
- Aktivno se realizuje obuka „Partnerski odnosi u emotivnim vezama“
- Aktivno se realizuje obuka „Samopouzdanje-pobjeda prije početka“
- Aktivno se realizuje obuka „Promocija zdravih životnih stilova kod mladih“
- Aktivno se realizuje obuka „Dare to dance“
- Održana je radionica „Politički sistem BiH- (NE) moguća misija“



PRONI Omladinski Klubovi su otvoreni u sklopu #STaRBiH projekta kojeg sprovodi Karuna Center for Peace-building uz podršku USAID Bosnia and Herzegovina.

Više o aktivnostima PRONI Omladinskih klubova možete pronaći na www.proni.ba

Pozivi za učesnike:

„Edukativne radionice na engleskom „ (Banja Luka)

„Akademija Storytelling-a“ (Mostar)

„I TEBE se tiče“ (Mostar)

"Filmska umjetnost i kako je prepoznati" (Banja Luka)

„Uvod u pisanje presude - praktične vježbe za buduće pravnike“ (Banja Luka)

"Kreativne radionice o ljudskim pravima" (Banja Luka)

„Društvo (bez) predrasuda“ (Banja Luka)

„InterCoolturno učenje“ (Banja Luka)

„Prezentacijske vještine" (Sarajevo)

„Kako postati omladinski aktivista?“ (Sarajevo)

„Uz Tabatu i ritam do boljeg zdravlja“ (Sarajevo)



Udruženje za društvena istraživanja i komunikacije - UDIK


Ul. Grbavička 51, 71000 Sarajevo

Tel./fax: +387 33 978 600; +387 33 978 605

E-mail: official.udik@outlook.com; official.udik.brcko@outlook.com

Web: www.udik.org; www.udik-brcko.org

UDIK-ova nova publikacija: Ratni zločin u Grabovici - presude



Udruženje za društvena istraživanja i komunikacije (UDIK) predstavlja publikaciju **Ratni zločin u Grabovici – presude** koja je objavljena kao osma knjiga u ediciji: Ratni zločini – transkripti presuda sudova u Bosni i Hercegovini. Radi se o dokumentovanju ratnog zločina koji se dogodio u mjestu Grabovica nadomak Mostara u noći sa 8. na 9. septembar 1993. godine tokom operacije „Neretva '93“.

Pred domaćim sudovima u Bosni i Hercegovini su odgovarali bivši pripadnici Armije RBiH. Na devet godina zatvora osuđen je Mustafa Hota, na deset godina zatvora osuđen je Enes Šakrak, dok su Nihad Vlahovljak, Sead Karagić i Haris Rajkić osuđeni na po trinaest godina zatvora.

Ova publikacija nastala je u saradnji sa Kantonalnim sudom u Mostaru, Kantonalnim sudom u Sarajevu i Vrhovnim sudom Federacije BiH. Osim pomenutih predmeta knjiga daje i listu žrtava ovog ratnog

zločina. Knjigu objavljujemo u znak sjećanja na nevino ubijene stanovnike Grabovice.

Podsjećamo da je UDIK do sada objavio dvadeset publikacija koje se bave dokumentovanjem ratne prošlosti devedesetih na prostorima bivše Jugoslavije. Knjige su dostupne u više od 80 biblioteka u BiH, Crnoj Gori, Hrvatskoj, Sjevernoj Makedoniji, Srbiji, drugim zemljama Evrope i Americi.



Udruženje građana "C.E.Z.A.R." Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

Međunarodni dan starijih osoba

Povodom obilježavanja Međunarodnog dana starijih osoba 01.10.2019., članovi Udruženja građana „C.E.Z.A.R.“ i volonteri bili su u posjeti korisnicima usluga domova za stara lica u Poveliču i Baradači, gdje su sa njima organizovali radionice i potrudili se uljepšati im ovaj dan.

Ova aktivnost je organizovana po prvi put, a sa građanima treće životne dobi su izrađivali nakit i ukrašavali predmete dekupaž tehnikom.



Bilo je to jedno lijepo iskustvo kako za volontere tako i za korisnike usluga domova za stara lica na području opštine Srbač, i rado će ovakvo nešto organizovati ponovo.

Nedjelja dječijih prava u udruženju „C.E.Z.A.R.“

Povodom Dječije nedjelje u Udruženju građana "C.E.Z.A.R." u posjetu su stigli predstavnici srbačkog Centra za socijalni rad. Kroz razgovor predstavljene su aktivnosti ovog udruženja, te planovi za buduće projekte. Na kreativnoj radionici Mali kreativci polaznici su učili o dječijim pravima ali i obavezama. Polaznici ritmičke gimnastike svojim nastupom uljepšali su drugi dan obilježavanja Dječije nedjelje u svojoj opštini. Članovi ovog udruženja posjetili su područnu školu "Dositej Obradović" iz Kukulja, te sa učenicima odradili radionicu na temu dječijih prava, formirali lanac prijateljstva te ponovili koja su to osnovna dječija prava ali i obaveze.



Kampanja „Volim Srpsku“



U Administrativnom centru Vlade Republike Srpske 14.10.2019. predstavljena je kampanja "Volim Srpsku", koju sprovodi Ministarstvo porodice, omladine i sporta RS, na kojoj su prisustvovali predstavnici Udruženja građana "C.E.Z.A.R.". U narednom periodu očekuje se da se u realizaciju kampanje uključi više aktera, među kojima i ovo Udruženje.

Socijalni dan 2019.

Udruženje građana „C.E.Z.A.R.“ učestvovalo je u akciji Socijalni dan koju organizuje ASUBIH. 18.10.2019. svoj školski dan, radnim mjestom u Udruženju zamijenila je Nadežda Gavrić, naš volonter, učenica trećeg razreda gimnazije.



Druženje sa vatrogascima

Polaznici kreativnih radionica Mali kreativci udruženja građana „C.E.Z.A.R.“ imali su priliku da se druže sa vatrogascima. Kreativna radionica Malih kreativaca u ponedjeljak 21.10.imala je nešto drugačiji sadržaj. Naime, organizovali smo vatrogasce da izvedu pokaznu vježbu za naše mališane. Pokazali su im svu opremu, demonstrirali gašenje požara, te pokazali sve funkcije vatrogasnog vozila. Oduševljenju nije bilo kraja.



Kreativni petak

U Udruženju građana „C.E.Z.A.R.“ počeo je novi ciklus besplatnih kreativnih radionica. Kreativne radionice se održavaju svakog petka u terminu od 12h do 14h, besplatne su i dostupne za sve uzraste. Izrađuju nakit, ukrašavaju flaše, čaše i tegle pomoću dekupaž tehnike, te još mnogo toga.





OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice



Omladinska organizacija Svitac je nastavila sa svakodnevnim aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je imala priliku napraviti razne dekoracije od papira (ježa, hobotnice, pingvine, vjeverice), meteorološki sat (sat od kartona sa pokretnim kazaljka i oslikanim prognozama za vrijeme - kiša/snijeg/vjetar/sunce/ - i ostale zanimljive predmete. Kao i prošlog mjeseca, vježbali smo riječi na engleskom jeziku na temu mir, te smo na turskom jeziku učili boje. Učesnici su nastavili vježbati abecedu i azbuku, te su imali priliku da pogledaju lutkarsku predstavu na temu ekologije. Na muzičkim radionicama su i ovaj mjesec muzicirali zajedno na raznim

udaraljka i akustičnim instrumentima te su učili novu pjesmicu na njemačkom jeziku „Alle meine Entchen“ – („Sve moje patkice“). Drugi dio radionice je namijenjen za relaksaciju, osvježenje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljom je kreativno izražavanje, utorkom su učesnici vježbali engleski i njemački jezik, srijedom su crtali i čitali stripove, četvrtkom su se družili uz sportske aktivnosti, društvene i teambuilding igre, a petkom su nastavili raditi na slobodnim temama kreativnog izražavanja. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

Radionice gitare

Učesnici radionice gitare su nastavili sa uvježbavanjem etida, pjesama i kompozicija iz prethodnog perioda. Učesnici su takođe počeli raditi na novom materijalu u skladu sa njihovim mogućnostima i trenutačnim vještinama.

Radionice Sambe

Učesnici ove radionice počeli su raditi na tri nove kompozicije. Ideja je da se ove kompozicije u narednom periodu "stope" u jednu dužu kompoziciju. U aktivnostima ove radionice pored redovnih članova učestvovali su međunarodni volonteri iz Njemačke i Slovenije.

ECO - PROJEKAT

Članovi ekološkog projekta održali su više sastanaka, uglavnom na temu budućih aktivnosti i akcija u gradu.

Međunarodni dan nenasilja



Međunarodni dan nenasilja, 2. oktobra slavi se na dan rođenja Mahatme Gandhija, jednog od pokretača filozofije i strategije nenasilnog otpora.

Omladinska organizacija Svitac organizovala je radionicu sa ciljem promocije važnosti Međunarodnog dana nenasilja, važnosti poštovanja i kulturne raznolikosti, važnosti edukacije djece i mladih za prekid predrasuda i stereotipa prema svojim vršnjacima, kao i promocije mirnog i nenasilnog rješavanja sukoba.

Učesnici (uzrast 4-7 godina) imali su priliku čuti o određenim problematičnim situacijama prilagođenim njihovom uzrastu, te su upitani kako bi reagovali u tim situacijama. Cilj razgovora bio je da se djeci ukaže na potrebu da sukobe rješavaju nenasilnim razgovorom i mirnim idejama. U drugom dijelu učesnici su imali priliku čuti pjesmu koju su izveli međunarodni i lokalni volonteri. Naziv pjesme je „I have got peace in my heart“.

Sve aktivnosti održane su u Omladinskom centru Brčko distrikta.

Trivago

Ovog mjeseca 14 mladih iz „Trivaga“ imalo je priliku volontirati u našoj organizaciji i tom prilikom su pomagali u svakodnevnim aktivnostima i naučili više o razvoju poslijeratne generacije. Na dnevnom redu bila je prezentacija o porijeklu zemlje, trenutnim društvenim izazovima, predavanja javnih institucija, interakcija s djecom i razgledanje lokalne zajednice.



Za novembar se planira nastavak svih redovnih radionica Omladinske organizacije Svitac.



H.O. MUSLIMANSKO DOBROTVORNO DRUŠTVO – MERHAMED DOBOJ

Ul. Kralja Aleksandra 17, 74000 Dobož

Tel./fax: +387 53 226 886

E-mail: merhamet.doboj@cutuk.net


FB: www.facebook.com/Merhamet-Doboj

Osim stalnih aktivnosti koje podrazumijevaju: Evidentiranje članarine, štampanje korisnicima molbi, žalbi, raznih dopisa, fotokopiranja, rada sa članovima, pružanja informacija, raspodjele humanitarne pomoći, izrada projekata i prisustvo seminarima, okruglim stolovima i drugim sesijama, Merhamet Dobož je tokom juna radio na sljedećem:

12.08. Izvršena je raspodjela humanitarne pomoći, kojom su obuhvaćeni svi članovi "Merhameta", kao i one socijalno ugrožene kategorije. Aktivisti "Merhameta", zajedno sa predsjednicom Avdić Faketom se maksimalno trude da obezbjede koliko toliko prehrabrenih proizvoda, kako bi pomogli najugroženijim članovima.



H.O. "Merhamet" Dobož obilježio je 17 oktobar - "Svjetski dan borbe protiv siromaštva". Volonteri H.O. "Merhameta" zajedno sa aktivistima i predsjednicom organizovali su obilazak starih i bolesnih članova kojima je potrebna kako socijalna, tako i zdravstvena pomoć. Obezbjeđeni su paketi, pomoć u hrani, higijeni i dr. Aktivisti "Merhameta" Dobož se lavovski bore da pomognu najugroženijoj populaciji, tako da smo podijelili humanitarnu pomoć za 220 porodica na dan borbe protiv siromaštva. Nažalost broj socijalno ugroženih se povećava, pa se zato borimo zajedničkim snagama za bolje sutra.





Udruženje studenata Medicinskog fakulteta u Tuzli "Medicus"

Univerzitetska br. 1., 75 000 Tuzla

Tel: predsjednik: 00 387 (62) 944-739; sekretar: 061/547 163;

Telfax: 035/320-600(1).

web: www.us-medicus.ba; e-mail: medicus.tz@gmail.com;
info@us-medicus.ba

Svjetski dan borbe protiv moždanog udara 2019.



U svijetu se 29.oktobar obilježava kao Svjetski dan borbe protiv moždanog udara. Tako se i u Tuzli, po peti put uzastopce, obilježava ovaj datum s ciljem upoznavanja javnosti o prirodi oboljenja, njegovoj prevenciji i tretmanu stanja. Obilježavanje ovog datuma je pokrenuto 2006. godine od strane Svjetske organizacije za moždani udar (WSO), a u Tuzli se obilježava kao jedinom zvaničnom partneru WSO ispred BiH.

Ovogodišnji akcenat kampanje jeste na prevenciji moždanog udara i shodno tome, ove smo godine održali dvije javne akcije promocije zdravlja, na lokacijama Bingo City Centar Tuzla i Mercator Centar Tuzla. Na aktivnostima su bili prisutni uposlenici Klinike za neurologiju UKC Tuzla i studenti, a naši građani i građanke su se mogli informisati o samom oboljenju, načinima prevencije, te analizirati vlastito zdravstveno stanje.

Projekat je implementiran od strane Sekcije za neuroznanost Studentskog vijeća Medicinskog fakulteta Tuzla "MEDICUS" na čelu sa koordinatoricom Naidom Salković, a u saradnji sa Klinikom za neurologiju Univerzitetskog-kliničkog centra

Tuzla, a kao partner projekta bili su i članovi ispred Udruženja studenata medicine u Bosni i Hercegovini „BoHeMSA“ lokalni komitet Tuzla. Ovogodišnji projekat je po treći put zaredom primio priznanje Svjetske organizacije za moždani udar (WSO).



INFORMACIJE / DONATORI / POZIVI

Prijavite se za takmičenje u poduzetništvu

Rolex raspisuje konkurs za prijave za nagrade za preduzetništvo. Mogu se prijaviti kandidati iz svih država svijeta starosti od 18 godina ili više. Dobitnici nagrade će osvojiti 200.000 švajcarskih franaka.

OBLAST: Preduzetništvo

OPIS: Preko četiri decenije Rolex podržava izvanredne individualce koji imaju hrabrost da prihvate velike izazove, muškarci i žene koji imaju preduzetnički duh, koji započinju neobične projekte koji će ovaj svijet učiniti boljim mjestom. Rolex nagrade otkrivaju i investiraju u izvrsne ljude širom svijeta koji sprovedu projekte. Dobitnici nagrade će osvojiti 200.000 švajcarskih franaka.

USLOVI: Mogu se prijaviti kandidati iz svih država svijeta.

NAČIN PRIJAVE: Kako biste se prijavili ispunite onlajn aplikacionu formu na <https://extranet.rolexawards.com/>

ROK ZA PRIJAVU: 15. april 2020.

Detaljnije na: <https://www.rolex.org/rolex-awards/about...>

Poziv za podnošenje prijedloga za unapređenje ženskih radnih prava

Rok za apliciranje: 9. novembar 2019.

Prijedlog projekta podnijeti na: grants@womensnetwork.org

Koalicija organizacija za ženska prava na Zapadnom Balkanu poziva organizacije civilnog društva (OCD) u regionu da podnesu prijedloge projekata koji će unaprijediti ženska radna prava i uticati na smanjenje diskriminacije na osnovu pola. Predviđeno je da grant u vrijednosti od 200.000 EUR bude dodijeljen za 14 projekata organizacija civilnog društva koji će se realizovati tokom 2020. i 2021. godine.

Nedavno objavljeni rezultati [Istraživanja o rodno zasnovanoj diskriminaciji u oblasti rada na Zapadnom Balkanu](#) upućuju na to da je na Zapadnom Balkanu diskriminacija na osnovu pola u oblasti rada rasprostranjena i predstavlja ključnu barijeru koja podriva učešće žena u radnoj snazi.

Na osnovu nalaza istraživanja i preporuka, određene su i **tematske oblasti projekata koje će Koalicija podržati:**

- **Pravna pomoć i monitoring sudskih postupaka diskriminacije na osnovu pola**
- **Zagovaranje za zakonske/političke promjene i/ili poboljšanje institucionalnog odgovora na rodno zasnovanu diskriminaciju, prema preporukama istraživanja**
- **Podizanje svijesti i osnaživanje žena da prijavljuju diskriminaciju u oblasti rada**

Svu potrebnu dokumentaciju za apliciranje na Poziv (Call for proposal, Application form, Logical Framework i Budget proposal) možete pronaći na linku:

https://womensnetwork.org/kosovo-womens-fund/call-for-applications/?fbclid=IwAR1IWHQzU_JQ8cZS9Gls3TDYokNtJOtyPc4OIqKmRNMnqpLDziSiLU1qAak

Za dodatne informacije i pitanja, možete poslati upit na e-mail: grants@womensnetwork.org

Program EU Horizont 2020.

U okviru Programa EU Horizont 2020 otvoren Poziv za dostavljanje projektnih prijedloga „Hrana i prirodni resursi“.

Rok za dostavljanje projektnih prijedloga je 22. januar 2020. godine.

Ciljevi predmetnog poziva su:

održivo upravljanje i korišćenje prirodnih resursa sa kopna i mora;

obezbijediti sigurnost hrane i ishrane;

ubrzati prelazak sa linearne ekonomije na kružnu ekonomiju radi zaštite životne sredine.

Poziv podstiče participativne pristupe istraživanju i inovacijama, uključujući pristup sa više aktera i razvija sisteme znanja i inovacija na lokalnom, regionalnom, nacionalnom i evropskom nivou.

U ovom pozivu mogu da učestvuju mala i srednja preduzeća, akademska zajednica i organizacije javnog sektora.

Budžet predmetnog poziva iznosi 208,7 miliona evra.

Detaljne informacije [OVDJE](#)

WBF objavljuje treći poziv za podnošenje prijedloga regionalnih projekata

Regionalna saradnja ostaje jedan od glavnih izazova za Zapadni Balkan, posebno uzimajući u obzir sposobnost pozitivnog utjecaja na regionalnu stabilnost i donošenje različitih praktičnih benefita za svoje građane i društva. U tom cilju, jačanje regionalne saradnje predstavlja suštinski zahtjev za ugovorne strane Zapadnog Balkana, uključujući njihove aspiracije za članstvo u EU.

Opšti cilj Fonda Zapadnog Balkana za dostavu prijedloga projekata je pridonijeti regionalnoj i prekograničnoj suradnji, dobrosusjedskom odnosu i jačanju regionalne kohezije u regiji WB-a.

Vodeći podnosioci zahtjeva pozvani su da podnesu potpunu prijavu, na engleskom jeziku, koristeći paket za prijavu koji je priložen u ovim smjernicama (Annex A, B i C).

Potpuna prijava uključuje slijedeće dokumente:

1. [Annex A. Aplikacijski formular](#)
2. [Annex B. Budžet](#)
3. [Annex C. Deklaracija vodećeg aplikanta](#)



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

Urednik Biltena:

Mirela Biković

Prevod Biltena na engleski: **Emir Karamujić**

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com